

## 第九課 樂觀自信个人生觀

世間人百百種，有人銜<sup>1</sup>金湯匙出世，有人一落泥<sup>2</sup>斯少這缺該<sup>3</sup>。人講一枝草一點露，逐個人總有一條路好行。

瑞典有一個細阿妹<sup>4</sup>，一出世斯無兩支手，左腳係正腳个一半長，毋過自細爺哀斯同佢準正常人看，教佢愛仰脣來面對困難、適應生活，發揮自家个長處，用樂觀个態度來面對人生，佢斯係蓮娜·瑪麗亞(Lena Maria)。

蓮娜三歲，厥爸教佢學泗水；該年也係佢第一擺<sup>5</sup>鬥假腳<sup>6</sup>開始學行路，堵正起勢輒輒跌去四腳惹天<sup>7</sup>，頭疤面疤<sup>8</sup>，毋過想著自家一屑一屑進步，斯當暢。四歲，厥姆教佢用腳繡花；中學个時節，自家學<sup>9</sup>第一領<sup>10</sup>洋裝；去游泳池泗身，脫衫、換衫已困難，佢斯用壁項个勾勾來幫搽<sup>11</sup>，同學看佢恁岐嶷<sup>12</sup>，總下當欽服<sup>13</sup>。

蓮娜當增志，從細斯體會著「四兩病疾無人替<sup>14</sup>」个道理，總係用樂觀自信个態度，去面對各種問題。十八歲參加世界泗水比賽，破世界紀錄，得著幾下面金牌；十九歲拿著駕駛執照；讀大學該下專攻音樂，過後變做世界有名个歌唱家。佢不時去各國演講，將精采个人生經驗同大家分享。

偲等臺灣也有一個樂觀自信个陳樹菊，佢係市場賣菜个婦人家。十三歲該年，阿姆過身，為著搽孩<sup>15</sup>屋家个擔頭<sup>16</sup>，無過再讀書，在市場肚賣菜，一賣斯賣五十年。平常時當省做<sup>17</sup>，輒輒一日正食一餐忒等，恁泥五個銀、十個銀，緊攝緊攝<sup>18</sup>，長<sup>19</sup>有錢斯拿來做善事，認養孤兒，捐錢起圖書館，無斯<sup>20</sup>替窮苦个學生繳學金。2010年，佢得著亞洲《富比世雜誌》「慈善英雄」獎。記者去訪問佢，佢顧謙<sup>21</sup>講：「這無麼个啦！錢，愛分需要个人正有用，辛苦賺錢斯係希望有一日使得幫助別人。你毋了解，人苦都拖壁<sup>22</sup>个時節，若係有人幫搽一下，該有幾感心你知無！」陳樹菊從來毋會怨嘆命歪<sup>23</sup>，也毋識為自家設想，一生人為別人來奉獻，佢試著有能力同人搽手，係一件已快樂个事情。厥个生活簡單、想法樂觀、相信自家，設定目標了後，一步一腳跡，頭犁犁緊做。

人無千日好，花無百日紅，人个一生，有時星光，有時月光<sup>24</sup>，樂觀个人堵著困難，曉得轉圈，你會看著還較無相同个光景。毋驚時

運歪，盡驚無真才<sup>25</sup>，肯問斯有路，肯行斯有步，用樂觀、自信行出自家个一片天。

### 注釋

1. 銜：音 hamˇ，用嘴含著。
2. 一落泥：音 rhidˆ log` neˇ，一出生。
3. 少這缺該：音 sheuˆ liaˆ kiedˆ gaiˆ，少這個缺那個。
4. 細阿妹：音 se` a+ moiˆ，女孩。
5. 第一擺：音 ti` rhidˆ baiˆ，第一次。
6. 鬥假腳：音 deu` gaˆ giogˆ，裝義肢。
7. 四腳惹天：音 si` giogˆ ngia` tien+，四腳朝天。
8. 頭疤面疤：音 teuˇ ba+ mien` ba+，滿臉傷痕。
9. 攞：音 lionˇ，縫製。
10. 第一領：音 ti` rhidˆ liang+，第一件。
11. 幫搵：音 bong+ ten`，輔助。
12. 岐嶷：音 kia+ ngiaˆ，形容小孩聰明能幹。
13. 欽服：音 kim+ fug`，佩服。
14. 四兩病疾無人替：音 si` liong+ piang` cid` moˇ nginˇ te`，意指再輕微的病痛也沒有人代你承受。
15. 搵孩：音 ten` kai+，幫忙承擔。
16. 擔頭：音 dam+ teuˇ，擔子。
17. 省儉：音 sangˆ kiang`，節儉。
18. 緊攝緊攝：音 ginˆ ngiabˆ ginˆ ngiabˆ，一點一滴的存起來。
19. 長：音 diongˇ，存有。
20. 無斯：音 moˇ sii+，不然就。
21. 顧謙：音 gu` kiam+，謙虛的。
22. 拖壁：音 rhaˆ biagˆ，手抓牆壁，比喻求助無門。

23.命歪：音 miang` vai+，命不好。

24.有時星光，有時月光：音 rhiu+ shi` sen+ gong+，rhiu+ shi` ngied` gong+，比喻人生有時失意，有時得意。

25.轉圍：音 zhon` fan`，回轉應付。

26.毋驚時運歪，盡驚無真才：音 m` giang+ shi` rhun` vai+，cin`giang+ mo` zhin+ cai`，不用擔心時運不濟，最怕機會來時沒有真才實學可以發揮。

### 練習一、問題討論

- 1.蓮娜·瑪麗亞學會幾多項本等？
- 2.陳樹菊賣菜長個錢，拿來做恁多麼個善事？
- 3.蓮娜·瑪麗亞同陳樹菊厥等有麼個值得俾學習個？

練習二、語詞練習：參考課文個內容，在（ ）項填入適當個語詞，也使得自由發揮。

- 1.佢 17 歲參加亞洲調酒比賽斯打頭名，實在當（ ）。
- 2.老弟正學溜直排輪該下，輒輒跌都（ ）。
- 3.阿琴姊當（ ），長有錢斯捐分家庭扶助中心。
- 4.阿樹伯事業失敗，毋過佢用（ ）個態度來面對，無幾多年斯東山再起咧。